



NUKISSIORFIIT

NUKISSIORFIIT

**Innaallagissamik
kiassaanermik**

**tamanik pilersuinermini nalinginnaasumik
piumasaqaataat**

Nr. 2, 1. februaari 2023-mit atuutilersut

Aallaqqaasiut

Nukissiorfiit innaallagissamik pilersuinermi nalinginnaasumik piumasaqaatit, takussutissat ilanngullugit, Nukissiorfiit makkulu akornanni inatsisitigut tunngavissatut uppersaataapput pingaaruteqartut

- Illunik aamma inissianik nammineq pigisanik pigisallit (piginnittoq) innaallagissamik pilersuinermit attavilerneqarsimasut,
- Innaallagissamik pilersuinermit atuisut (atuisoq) aamma
- El-installatøritut akuerisaasut suliarinnittartut (el-installatørit)

Oqaasertalersornerani sullitaq ataatsimoortumik taaguuserneqarpoq piginnittoq aamma atuisoq, siunertaqartutut isumaqarfigineqarpat. Sullitaq tassaavoq inatsisitigut inuk, Nukissiorfiit akiliisarnissamut uuttuutaanut ataatsimut arlalinnulluunniit nalunaarsimasoq nalunaarsorsimasorlu.

Piginnittoq, atuisoq aamma el-installatøri Nukissiorfiit pilersuinermi nalinginnaasumik piumasaqaataasa imarisaat ilisimasariaqarpat, sammisat taassumunnga attuumassuteqartut eqqarsaatigalugit.

Piginnittut, atuisut aamma el-installatørit kiisalu Nukissiorfiit qaqugukkulluunniit inatsisit, peqqussutit, nalunaarutit innersuussutit il.il. atuuttut eqquutsinnissaannut pisussaapput. Taakkunanga makku immikkut erseqqissaatigineqarput:

- Inatsisartut peqqussutaat nr. 2, 31. oktober 1991-imeersoq aamma Inatsisartut peqqussutaat nr. 3, 16. maj 2008-meersoq, kiassaateqarfinnut innaallagissamit kiassarneqartunut (elektrokedler) engup nukinganik nukissiorfinnit attavilersinnissamik pisusaanermut tunngasoq
- Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersoq (2019-imi allannguuteqartoq)
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq (2007-imi aamma 2017-imi allannguuteqartoq)
- Innaallagissamik pilersuinermit atortunut atortunullu allanut atassusiinermit malittarisassat aalajangersarneqarnerat pillugu Namminersornerullutik Oqartussat nalunaarutaat nr. 13, 11. juni 1996-imeersoq ("Fællesregulativet, Tilslutning af elektriske installationer og brugsgenstande" (FR), kalaallisut ilassut ilanngullugu)
- Innaallagissamut, imermut ataatsimoortumillu kiassarnermit il.il. akigitat aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersoq
- Kalaallit Nunaanni innaallagissamut sakkortuumut atortut pillugit ataatsimut aalajangersakkat (FBSG)
- Innaallagissamik kiassaannermit qaminneqarsinnaasumik aqutsinermit ingerlatsinissaq pillugu ilitersuut

Imarisai

Nukissiorfiit innaallagissamik tamanut pilersuinermi pilersuinnermut nalinginnaasumik piumasaqaataat immikkoortunut makkununga agguarneqarput:

1. Nassuiaatit
2. Aallarniutaasumik aalajangersakkat
3. Attavilersinnermut aalajangersakkat
4. Kiassaatit innaallagiatortut atortui
5. Ingerlatsineq aamma aserfallatsaaliineq
6. Maalaaruteqarsinnaaneq

1. Nassuiaatit

| | |
|---|--|
| Innaallagissamik kiassaaneq | 1.1 Innaallagissamik kiassaaneq periutsit marluk atorlugit akilersinneqartarpoq: innaallagissamik kiasaanertut aalajangersimasutut imaluunniit innaallagissamik kiasaanertut qaminneqarsinnaasutut. |
| <i>Innaallagissamik kiassaaneq aalajangersimasooq</i> | Innaallagissamik kiasaanermi aalajangersimasumi kiassaait innaallagiatortut, kiasaanermut pumpit imaluunniit silaannarissaait kiammik atueqqittartoq atorlugit illu kiassarneqartarpoq, kiisalu imeq kissartoq atorneqartussaq kissatsinneqartarpoq imermut kissaat innaallagiatortoq atorlugu. Innaallagissamik kiassaaneq uunnaavissuaq innaallagiatortoq imaluunniit kiasaanermut pumpit kiassaateqarfimmi imermik kaaviiartitsisut atorlugit pilersinneqarsinnaavoq. |
| | Innaallagissamik kiasaanermi aalajangersimasumi kiassaait innaallagiatortut, kiasaanermut pumpit imaluunniit silaannarissaait kiammik atueqqittartut atorlugit illu kiassarneqartarpoq, kiisalu imeq kissartoq atorneqartussaq kissatsinneqartarpoq imermut kissaat innaallagiatortoq atorlugu. Innaallagissamik kiassaaneq unnaavissuaq innaallagiatortoq imaluunniit kiasaanermut pumpit kiassaateqarfimmi imermik kaaviiartitsisut atorlugit pilersinneqarsinnaavoq. |
| <i>Innaallagissamik kiassaaneq qaminneqarsinnaasooq</i> | 1.1.2 Innaallagissamik kiassaaneq qaminneqarsinnaasooq tassaavoq kiasaanermut atortoq kiassaatinut uuliatortunut atassutilik. Kiasaanermut atortup kiasaanermut kiak pilersittarpaa aamma imeq kissartoq atorneqartussaq uunnattarlugu, ataavartumik nukissiorfinit innaallagissamik pilersuineq sumiiffimmi tamanik pilersuinermi naammakkallartillugu. |
| Innaallagissamut uuttuut | 1.2 Uuttuut, innaallagissap atorneqartup qanoq annertutiginerani uuttuisartoq. |
| Attavilerfiup sumiiffia | 1.3 Sumiiffik Nukissiorfiit pilersuinermit aqutaaniittoq tassani ledningi attaviliissut ikkunneqarluni. Attavilerfiup sumiiffia tassaasinnaavoq sakkortusaavik (transformerstation) sikaavik kabeliisivik imaluunniit napparussuaq. |
| Ledningi attaviliissut | 1.4 Attavilerfiup sumiiffianit aamma sullitap ikkussugaataasa akornanni attaviliineq. |
| Ledningi pingaarneq | 1.5 Sullitap ikkussugaataanut uuttuutip aamma innaallagissamik kiasaanermut katersuiffiup (tavle) akornanni ledningi attaviliissut. |

2. Aallarniutaasumik piumasaqaatit

| | |
|--|--|
| El-installatøri akuersissummik pigisaqartoq | <p>2.1 Innaallagissamik kissaanermut atortunik akuersissummik pigisaqarnissamik piumasaqaatitalinnik sunilluunniit suliaqarneq, el-installatørimik akuersissummik pigisaqartumik suliarineqassapput.</p> <p>Suliarineqartut sulluunniit akuersissuteqarneq naapertorlugu suliarineqassapput aammattaaq innaallagialerinermit tunngatillugu maleruaqqusat aamma inatsisit qaqugukkulluunniit atuuttut malinneqassapput.</p> |
| Pitsaassuseq | <p>2.2 Nukissiorfinit anguniarneqarpoq aalajangersimasumik pitsaasumik pitsaassusilimmik pilersuinissaq nalinginnaasumik sakkortussuseqartumik, tassa 3 x 230/400 V. tak. Kalaallit Nunaanni innaallagissamut sakkortuumut atortut pillugit ataatsimut aalajangersakkat (FBSG).</p> <p>Nukissiorfiit taamaallaat attavilerfiup sumiiffianut inaallagissamik pilersuinissaq akisussaassuseqarfigaa. Ajoqutit aamma amigaataasut attavilerfiup sumiiffiata eqqaaniittut aamma ikkussukkat attavilerfiup sumiiffiata kingornaniittut Nukissiorfinit akisussaaffigineqanngillat.</p> |

3. Attavilersinnermut aalajangersakkat

| | |
|---|---|
| <p>Innaallagissamik kiassaaneq aalajangersimasoq</p> | <p>3.1 Nukissiorfinnit innaallagissamik kiassaanermik nutaanik attaviliinissaq neqeroorutigineqanngilaq. Tamanna imatut paasineqassaaq innaallagissamik kiassaanermik aalajangersimasumik kiassaaneq taamaallaat akuerineqareersimasunut atuuttoq.</p> |
| <p>Innaallagissamik kiassaaneq qaminneqarsinnaasoq</p> | <p>3.2 Illoqarfinni aamma nunaqarfinni ataavartumik nukissiamik nioqqutissiornermi nioqqutissiarisinnaasaq sinnerlugu nioqqutissiorfiusuni qinnuteqaateqareernikkut innaallagissamik kiassaanermik qaminneqarsinnaasumik kiassaanermut atortunut uuliatortunut pigineqareersunut ikkussisoqarsinnaavoq. Innaallagissamik kiassaanermik qaminneqarsinnaasumik ikkussuineq sullitap kiassaanermut atortui uuliatortut pioreersut atatiinneqassapput, taamaaliornikkut uuliatortumik kiassaanissamut periarfissaq atuutiinnassalluni.</p> <p>Inatsisit atuuttut tunngavigalugit sullitap qaqugukkulluunniit kiassaanissamut pisariaqartitani matussusersinnaasussaavaa innaallagissamik kiassaaneq qaminneqarsinnaasoq kisiat isumalluutiginaq, tassami Nukissiorfiit qaqugukkulluunniit siumut ilimasaaruteqaqqaarnani innaallagissamik kiassaanermut qaminneqarsinnaasumut innaallagissamik pilersuineq unitsissallugu periarfissaqartussaammat. Sullitap innaallagissamik kiassaaneq qaminneqarsinnaasoq Nukissiorfinnit ikkussorneqarsimasoq piffissami sivisuumi ataannartumik qaminngatittassanngilaa.</p> <p>Nukissiorfiit inatsisit atuuttut naapertorlugit sullitap oqartussaasut pigisaat aamma privatit, kiassaanermut atortunik pigisallit uunnaavissuarnik innaallagiatortunik ikkussuisussanngorlugit peqqusinnaavaat, taamaaliornikkut kiassaanissaq siunnertaralugu innaallagissamik atuisussanngorlugit.</p> <p>Sullitap pisussaaffeqarpoq innaallagissamik pisissalluni ima annertussuseqartumik uunnaavissuup innaallagiatortup kiassaanermik pilersuineranut naammattumik. Tamatuma saniatigut pisariaqartitaq sullitap nammineq kiassaanermut atortuminik matussusissavaa, taamaattumik taanna aallartinneqarnissaminut piareersimatinneqartuassaaq aamma aserfallatsaalineqarsimalluni.</p> <p>Innaallagissamik kiassaanermik qaminneqarsinnaasumik atuinissamut peqqusinikkut uunnaavissuarmik innaallagiatortumik ikkussuineq Nukissiorfinnit isumagitissavaa aamma Nukissiorfiit akilissavaat. Sullitap uunnaavissuup innaallagiatortup sumut inissinnissaanut il.il. piumasaqaatai sapinngisamik mianerineqassapput. Nukissiorfiit nammineq aalajangissavaat uunnaavissuup innaallagiatortup qanoq angissuseqarnissaa, imatut angissuseqartariaqanngilaq sullitap annerpaamik atuinissamut pisariaqartitai tunngavigineqassallutik.</p> |
| <p>Innaallagissamik kiassaanissamut qinnuteqaateqarneq</p> | <p>3.3 Innaallagissamik kiassaanermik qaminneqarsinnaasumik attavilerneqarnissamut qinnuteqaateqarneq Nukissiorfinnut allaganngorlugu nassiunneqassaaq. Immersugassaaq una</p> |

NUKISSIORFIIT INNAALLAGISSAMIK KIASSAANERMIK TAMANIK PILERSUINERMINI
 NALINGINNAASUMIK PIUMASAQAATAAT NR. 2, 1. FEBRUAAARI 2023-MIT ATUUTILERSUT

| | |
|---|--|
| | <p>“Innaallagissamik kiassarnissamut qinnuteqaat” atorneqassaaq. Taanna Nukissiorfiit nittartagaanni www.nukissiorfiit.gl pissarsiarineqarsinnaavoq.</p> |
| <p>Ikkussorneqarsimasunik atuisunngortutut nalunaaruteqarneq</p> | <p>3.4 Innaallagissamik kiassaanermut ikkussukkanik atuisunngorneq elektroniskiusumik pissaaq Dansk Energip nittartagaa www.installationsblanket.dk aqutigalugu, taamaaliussaaq el-installatøri akuersissummik pigisaqartoq sullitap innaallagissamik kiassaanissamut qinnuteqaateqarneranik Nukissiorfiit akuersissuteqareernerisa kingornatigut kingusinnerpaamik qaammatit aqqaneq marluk qaangiunneranni. Innersuussutigineqarput Kalaallit Nunaanni innaallagissamut sakkortuumut atortut pillugit ataatsimut aalajangersakkat (FBSG) aammattaaq Nukissiorfiit El-installatørinut ilitsersuutaat.</p> <p>Ikkussukkanik atuisunngortutut aamma naammassineqarneranik nalunaaruteqarnissaq el-installatørip suliamik suliarinnissimasup akissussaaffigaa.</p> <p>Ikkussukkat atuisunngortutut nalunaarutigineqarnerat kingusinnerpaamik piffissarititaasup qaangiunnissaa sioqqullugu pinngippat, taava innaallagissamik kiassaanermut akuersissut atorunnaassaaq, kiisalu nutaamik qinnuteqaateqartoqassaaq.</p> |

4. Inaallagissamik kiassaanermut ikkussuinerit

| | |
|--|--|
| <p>Pilersaarusionerq aamma suliarinera</p> | <p>4.1 Innaallagissamik kiassaanermut ikkussugassat suulluunniit pilersaarusionerqassapput aamma akuersissut naapertorlugu inatsit qaqugukkulluunniit atuuttoq aammattaaq Nukissiorfiit innersuussutaat naapertorlugit suliarineqassallutik.</p> <p>Ikkussukat pilersaarusionerqanngippata aamma qulaani taaneqartut naapertorlugit suliarineqanngippata ikkussukat pineqartut allanngortinneqarnissaat Nukissiorfiit piumasarisinnaavaat. Tamanna pinngippat Nukissiorfiit pilersuinerup matuneqarnissaanut pisinnaatinneqarput.</p> |
| <p><i>Ikkussorneqarneri</i></p> | <p>4.1.1 Innaallagissamik kiassaanermut ikkussukat innaallagissamut ikkussukat allat innaallagiaanit immikkoortinneqassapput aamma attuumatinneqassanatik. Innaallagissap aqutai pingasunik faseqartinneqarlutik annertussuserneqassapput.</p> |
| <p>Atuinermut uuttuutunik ikkussineq</p> | <p>4.2 Innaallagissamik kiassaanermut innaallagissamik atuinermut uuttuummik immikkoortinneqartumik ikkussisoqassaaq innaallagissamik kiassaanermut akigititat tunngavigalugit akilersuisoqassammat. Uuttuut innaallagissamut nalinginnaasumut uuttuutip sanianut inissinneqassaaq.</p> <p>Tamatuma saniatigut Nukissiorfiit innaallagissamik, imermik aamma kiassaanermik tamanut pilersuinermi tuniniaanermut piumasaqaataanni atuinermut uuttuutunik pilersitsinermit tunngasut innersuussutigineqarput.</p> |
| <p>Illup iluani pilersuinermit kabeli</p> | <p>4.3 Innaallagissamut uuttuummit innaallagissamik pilersuinermit kabeli pingasunik fasilik aamma nulederilik innaallagissamik kiassaanermut tavlimut ingerlatinneqassaaq.</p> |
| <p>Innaallagissamik kiassaanermut kabelit katersuuffiat (tavle)</p> | <p>4.4 Innaallagissamik kiassaanermut immikkoortumik tavlimik ikkussisoqassaaq ikkussukkanut allanut tavlip saniani. Tavlip tamassuma sannaata tulluurtumik aqerlortinnissaa periarfississavaa.</p> <p>Qanoq sakkortutigisumik atuinermit nalunaaruteqarneq tunngavigalugu sikringip saavaniittussap angissusissaa aalajangerneqartarpoq, taanna tassaasinnaalluni sikringi aattartoq imaluunniit automatiskiusoq, pisariaqartitsineq aamma suna akuersissutigineqarsimanersoq naapertorlugu.</p> <p>Nullederi ikkutanut ingerlatinneqassanngilaq, kisianni tavlip iluani aqutsinermit siunertaqartumut atorneqarsinnaalluni. Nullederi taamaallaat illup iluani pilersuinermit kabelip naaneraniit peerneqassaaq aqutsinermit gruppinit ingerlatinneqarsinnaalluni, ingerlateqqinneqarnanili.</p> <p>Atortut kiammik pumpit kiassaanermut atorneqartutut pineqarpata, taava nul-lederi ikkussukkanut ingerlatinneqarsinnaavoq.</p> |

NUKISSIORFIIT INNAALLAGISSAMIK KIASSAANERMIK TAMANIK PILERSUINERMINI
NALINGINNAASUMIK PIUMASAQAATAAT NR. 2, 1. FEBRUARIA 2023-MIT ATUUTILERSUT

| | |
|---|---|
| <p><i>Innaallagissamik kiassaaneq aalajangersimasoq</i></p> | <p>4.4.1 Ataatsikkut qamittaatit kiggiguserneqassanngillat imaluunniit nul- imut qamittaaserneqassanngillat. Aquttaatilli tamatumani pineqanngillat 230V natermik kiassaanermit kabelit ataatsimoortut imaluunniit 3 x 400V/230 V- pumpimik kiassaanermit gruppimi, tak. imm. 4.6.1 atortunut kiassaanermit atortulikkanut (termiske apparater) tunngasoq, innaallagissamik kiassaaneq aalajangersimasoq.</p> |
| <p><i>Innaallagissamik kiassaaneq qaminneqarsinnaasoq</i></p> | <p>4.4.2 Innaallagissap aqquataasa katersuuffianni (tavle) innaallagissamik kiassaanermit atortunik ikkussukkanik aqutsilluni qamitsinissamut periarfissiisoqassaaq. Aqutsinissamut atortut Nukissiorfinnit aalajangerneqassapput "Anvisning i udførelse af styring for afbrydelig elvarme" [<i>Innaallagissamik kiassaanermit qaminneqarsinnaasumik aqutsinerup ingerlannissaanut ilitersuut</i>]. Ataatsikkut qamittaatit imaluunniit nuulumut qamittaat kiggisinneqassanngillat. Taamaattorli tamatumani pineqanngillat aqutsinermit gruppi imaluunniit 3 x 400V/230 V-uunnavissuit innaallagiatortut imaluunniit uunnavissuit ataatsimoortut arlariit, tak. imm. 4.6.2 atortunut kiassaanermit atortulikkanut (termiske apparater) tunngasoq, qaminneqarsinnaasoq innaallagissamik kiassaaneq.</p> |
| <p><i>Ataatsikkoortumik/ tulleriaartumik attaviliineq</i></p> | <p>4.4.3 Innaallagissamik kiassaanermit atortunik angisuunik ikkussuinermit piumasaqaatigineqarsinnaapput kiassaanerup sakkortussusianik ataatsikkoortumik imaluunniit tulleriaartumik attaviliineq atorlugit attaviliisoqarnissaa.</p> |
| <p>Atortut ikkussorneqartut</p> | <p>4.5 Innaallagiatortunut ikkussuiffiit aamma ingerlatitseqqiffiit amerlatinnaversaarneqassapput. Periarfissaappat ikkussukkat aalajangersimasut atortunut kiassaanermit atortulikkanut (termiske apparater) kiassaanermit atortumut ikkunneqassapput tassungalugu naanera ikkullugu.</p> |
| <p>Atortut kiassaanermit atortulikkat (termiske apparater)</p> | <p>4.6</p> |
| <p><i>Innaallagissamik kiassaaneq aalajangersimasoq</i></p> | <p>4.6.1 Atortut kiassaanermit atortulikkanut (termiske apparater) 400 V- mik sakkortussusillit, ininik kiassaanermit aamma Imermik atugassamik kiassaanermit naatsorsuutigineqartut taamaallaat ikkuteqqusaapput. Atortut kiassaanermit atortulikkat (termiske apparater) aalajangerlugit ikkussorneqassapput. Kiassaanermit kabelit natermik kiassaanermit naatsorsuussat 230 V-mut ikkunniissaat akuerineqarpoq, sakkortussusiat kissaatigineqartoq 400 V-mut ikkunneranni anguneqarsinnaanngippat. Innaallagissamik kiassaanermit kabelinik 230 V-mut ikkussineq toqqorneqassaaq (qumartitsineq imaluunniit innaallagissamut ikkuffik iikkamut morsutsitaq). Innaallagissamik kiassaanermit kabelinik aqutsineq innaallagissamik kiassaanermit katersuiffimmut (tavle) inissinneqassaaq. Kiassaanermit pumpit 3 x 400/230 V-mut ikkunneqarnissaat akuerineqarpoq, imaappat atortumik 3 x 400 V-nut kompressorilimmik pissarsisoqarsinnaanani. Ikkussuineq imatut</p> |

NUKISSIORFIIT INNAALLAGISSAMIK KIASSAANERMIK TAMANIK PILERSUINERMINI
NALINGINNAASUMIK PIUMASAQAATAAT NR. 2, 1. FEBRUARIA 2023-MIT ATUUTILERSUT

| | |
|---|--|
| | <p>suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq kiassaanermut pumpimut naanera ikkullugu.</p> <p>Silaannarissaatini innaallagissamik kiassaanermut atortut ikkunneqarnissaat akuerineqarpoq imaappat kiassaanermut immikkoortoq immikkut ikkunneqarsinnaalluni.</p> <p>Silaannarissaatit kiammik atueqqissinnaasut sakkortussusiat tamarmiusoq 2,5 kW angullugu sakkortutigisoq 3 x 400/230 V-mut ikkunneqarnissaat akuerineqarpoq, imaappat innaallagissamik kiassaanermut immikkoortuanut immikkut ikkuffilimmik atortumik pissarsisoqarsinnaanani. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq silaannarissaammut naanera ikkullugu.</p> |
| <p><i>Innaallagissamik kiassaaneq qaminneqarsinnaasoq</i></p> | <p>4.6.2 Uunnaavissuit innaallagiatortut imaluunniit uunnaavissuit ataatsimoortut kiassaanermut atortulikkat (termiske apparater) 400 V-mik sakkortussusillit ikkunneqarsinnaapput. Uunnaavissuit innaallagiatortut imaluunniit uunnaavissuit ataatsimoortut 3 x 400/230 V-mut ikkunneqarnissaat akuerineqarpoq, imaappat nuulumut aqut taamaallaat uunnaavissuarmut innaallagiatortup aqunneqarnissaanut ikkunneqarpat. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq uunnaavissuarmut innaallagiatortumut naanera ikkullugu.</p> <p>Kiassaanermut pumpit 3 x 400/230 V-mut ikkunneqarnissaat akuerineqarpoq, imaappat atortunik 3 x 400 V-mut kompressorilinnik pissarsisoqarsinnaanani. Ikkussuineq imatut suliarineqassaaq innaallagissamut ikkuffimmut imaluunniit ingerlatitseqqiffimmut toqqaannartumik ikkunneqassaaq kiassaanermut pumpimut naanera ikkullugu.</p> <p>Uunnaavissuit ataatsimoortuni uuliamik ikuallatitsisartup aamma pumpi kaaviiartitsisup innaallagissamut attavilerneqarnissaat innaallagissap aqutaanut qullernut atorneqartumut nalinginnaasumut ikkunneqassaaq.</p> |

5. Ingerlatsineq aamma aserfallatsaaliineq

| | |
|--|--|
| Ataatsimut isigalugit | 5.1 Illumi innaallagissamik kiassaanermut atortut ikkussorneqarsimasut illersorneqarsinnaasumik pitsaassuseqartinneqartuaannassapput. |
| Innaallagissamik kiassaanermut atortut ikkussorneqarsimasut | 5.2 Nukissiorfiit innaallagissamik pilersuinermini nalinginnaasumik piumasaqataat innersuussutigineqarput. |

6. Maalaaruteqarnissamut periarfissat

Maalaaruteqarnissamut periarfissat

6.1

Atuisoq Nukissiorfiit pilersuinerannit imaluunniit akiligassanit il.il. naammagisimaarinninngikkuni, taava sapaatit akunnerisa sisamat ingerlanerini Naalakkersuisoqarfimmut akisussaaffeqarfeqartumut maalaaruteqarsinnaavoq.